

Қазақстан Республикасы Үкіметінің 1999 жылғы 23 ақпандағы N 156 қаулысына өзгерістер мен толықтырулар енгізу туралы

Күшін жойған

Қазақстан Республикасы Үкіметінің қаулысы. 2001 жылғы 25 маусым N 856 Күші жойылды - ҚР Үкіметінің 2002.12.10. N 1300 қаулысымен.

Қазақстан Республикасының Үкіметі қаулы етеді:

1. "Қазақстан Республикасы Үкіметінің Регламенті туралы" Қазақстан Республикасы Үкіметінің 1999 жылғы 23 ақпандағы N 156 қаулысына (Қазақстан Республикасының ПҮКЖ-ы, 1999 ж., N 6, 40-құжат) мынадай өзгерістер мен толықтырулар енгізілсін:

көрсетілген қаулымен бекітілген Қазақстан Республикасы Үкіметінің Р е г л а м е н т і н д е :

2-тармақта "Қазақстан Республикасы Президентінің" деген сөздер алынып тасталып, "конституциялық заң күші бар Жарлығымен" деген сөздер "Қазақстан Республикасының Конституциялық заңымен" деген сөздермен ауыстырылсын;

5-тармақ мынадай редакцияда жазылсын:

"5. Соттарда Премьер-Министрдің, оның орынбасарларының немесе Премьер-Министр Кеңсесі Басшысының тапсырмасы бойынша Үкіметті және Премьер-Министрді білдіруді әрі олардың мүдделерін қорғауды сот дауының мәнісі болған мәселелер құзыретіне кіретін мемлекеттік орган жүзеге асырады. Әділет министрлігі тиісті мемлекеттік органға құқықтық және консультациялық кө м е к к ө р с е т е д і .

Соттарда Үкіметі және Премьер-Министрді білдіру әрі олардың мүдделерін қорғау, Қазақстан Республикасының Конституциялық Кеңесінде Премьер-Министрді білдіру, прокурорлық назар аудару актілерін қарау, сондай-ақ Қазақстан Республикасының Үкіметіне қойылатын талап-арыздар мен талаптарға мемлекеттік органдар дайындаған жауап-пікірлер жобаларын сараптамадан өткізу жекелеген жағдайларда Премьер-Министрінің шешімі бойынша Кеңсеге жүктелуі мүмкін.

Үкіметтің нормативтік құқықтық актілерін ресми түсіндіруді Премьер-Министрдің тапсырмасы бойынша Әділет министрлігі жүзеге асырады.
" ;

17-тармақтың төртінші абзацының 3) тармақшасы "және/немесе үштен артық орталық атқарушы органның құзыретіне кіргенде" деген сөздермен т о л ы қ т ы р ы л с ы н ;

18 - тармақта :

бірінші абзацта "нұсқаулыққа сәйкес" деген сөздерден кейін "жай қағаз парақтарында" деген сөздермен толықтырылсын;

екінші абзац "тілдерінде ұсынылады." деген сөздерден кейін мынадай мазмұндағы сөйлеммен толықтырылсын:

"Жобалар мемлекеттік органдардың бірінші басшыларын алмастыратын адамдармен келісілген жағдайда, бірінші басшының міндеттерін атқару жоба келісілген адамға жүктелгені туралы тиісті актілердің көшірмелері жобаға міндетті түрде қоса беріледі.";

19-тармақ "бірдейлігі" деген сөзден кейін "және жоба мәтінінің жазылу стиліне қойылатын талаптардың сақталуы" деген сөздермен толықтырылсын;

20-тармақта: 1-1) тармақша "Экономика" деген сөзден кейін "және сауда" деген сөздермен толықтырылсын;

мынадай мазмұндағы абзацтармен толықтырылсын:

"Ведомстволардың санын, министрліктердің, агенттіктер мен ведомстволардың штат санын, олардың басшы лауазымды адамдарының санын көбейту көзделген жобалар Қазақстан Республикасы Президентінің "Мемлекеттік аппараттың жұмысын жақсарту, төрешілдікке қарсы күрес және құжат айналымын қысқарту жөніндегі шаралар туралы" 2000 жылғы 31 шілдедегі N 427 Жарлығына сәйкес міндетті түрде Мемлекет басшысымен не оның уәкілеттік беруі бойынша Қазақстан Республикасы Президентінің Әкімшілігімен келісіледі.

Премьер-Министр не оның тапсырмасы бойынша Кеңсенің Басшысы қажет болған жағдайларда Қазақстан Республикасының Премьер-Министрі өкімдерінің жобаларын келісудің оңайлатылған тәртібін белгілей алады.";

21-тармақтың бірінші абзацында:

"5" деген сан "7" деген санмен ауыстырылсын;

"10 күннен" деген сөздер "12 жұмыс күнінен" деген сөздермен ауыстырылсын ;

22-тармақтың 2) тармақшасы "қаулының жобасына ескертпелер көрсетілген хатқа, келісуші мемлекеттік органның бірінші басшысы немесе оның орынбасары қол қояды," деген сөздермен толықтырылсын;

23 - тармақта :

бірінші абзац мынадай мазмұндағы сөйлеммен толықтырылсын:

"Сонымен бір мезгілде, жобаның электрондық көздегі нұсқасы ұсынылады.";

төртінші абзацта "басқа министрліктер мен агенттіктерге, сондай-ақ" деген сөздер "агенттіктерге, сондай-ақ өзге де" деген сөздермен ауыстырылсын;

мынадай мазмұндағы 23-1 тармақпен толықтырылсын:

"23-1. Кеңсе Үкімет қаулысының жобасы Кеңседе тіркелген күннен бастап

бір жұмыс күнінен кешіктірмей Үкіметтің барлық мүшесіне (Премьер-Министрдің және әзірлеуші жобаны келісуді жүргізген адамдарды қоспағанда) оның мәтінін (құпия және кадрлық жобалардан басқасы) дауыс беру рәсімін жүргізу үшін табыстауды қамтамасыз етеді. Тізілім бойынша тікелей Үкімет мүшелерінің қабылдау бөлмелеріне (бас қалада Табиғи ресурстар және қоршаған ортаны қорғау министрлігінің өкілдігіне) қаулылардың жобаларын мөрленген конверттерде беруді Кеңсенің курьері жүзеге асырады. Жобалар салынған конверттерде 3 жұмыс күнін құрайтын дауыс беру рәсімінің аяқталған мерзімі қойылады. Жекелеген жағдайларда жобаның мәтініне қосымшалар Үкімет мүшелеріне, оларға қатысты бөлігінде ғана жіберілуі мүмкін.

Үкімет қаулысының жобасына ұсыныстар, ескертпелер мен қарсылықтар болған кезде Үкімет мүшесі осы Регламент 22-тармағының 1)-3) тармақшаларына сәйкес өзінің пікірін білдіретін жобаны Кеңсеге конвертте көрсетілген дауыс беру рәсімі аяқталатын мерзімнен кешіктірмей қайтарады. Қаулының жобасы көрсетілген мерзімде қайтарылмаған жағдайда, Үкімет мүшесі қаулы жобасының қабылдануына ескертпелерсіз дауыс берді деп саналады. Үкімет қаулыларының жобалары бойынша дауыс беруді Үкімет мүшелері алмасу құқығынсыз жүзеге асырады.";

24-тармақ мынадай редакцияда жазылсын:

"24. Әзірлеуші мыналарды қамтитын түсіндірме жазбаны жобаға міндетті түрде қоса береді:

- 1) жобаны қабылдау қажеттілігіне негіздеме (заң актілеріне, Президент актілеріне және өзге де нормативтік құқықтық актілерге сілтеме);
- 2) жоба қабылданған жағдайдағы болжамды әлеуметтік-экономикалық және/немесе құқықтық салдарлар;
- 3) жобаны іске асыруға байланысты болжамды қаржы шығындары;
- 4) жоба қабылданған жағдайда күтілетін нәтижелердің нақты мақсаттары мен мерзімдері, енгізілетін ұсыныстардың тиімділігі;
- 5) жобада көрсетілген мәселелер құзыретіне кіретін мемлекеттік орган басшысы визасының болмау себептері (мұндай факт болған кезде);
- 6) жобада қаралатын мәселелер бойынша бұдан бұрын Президенттің және/немесе Үкіметтің қандай нормативтік құқықтық актілері қабылданғаны және әзірлеуші оларды қалай орындағаны туралы мәліметтер;
- 7) заңдарды кейіннен жобаға сәйкес келтіру қажеттілігі (жаңа нормативтік құқықтық актілер қабылдаудың қажеттілігі, сондай-ақ қандай нормативтік құқықтық актілерге өзгерістер және/немесе толықтырулар енгізу қажет болатыны көрсетілсін).

Қаулының жобасында шарттарға, келісімдерге және өзге де құжаттарға (заң актілерінен, Президенттің, Үкіметтің және Премьер-Министрдің актілерінен

басқа) сілтемелер болған кезде әзірлеуші тиісті құжаттардың көшірмелерін жобаға міндетті түрде қоса береді.

Көлемі екі және одан да көп бет болатын Үкімет қаулылары жобаларының, сондай-ақ оларға қосымшалардың әр бетіне әзірлеуші мемлекеттік органның бірінші басшысы не оны алмастырушы адам қол қоюға тиіс.";

26 - т а р м а қ т а :

бірінші абзацта "(бұдан әрі - сараптама)" деген сөздер алынып тасталсын; мынадай мазмұндағы екінші және үшінші абзацтармен толықтырылсын:

"Кеңседе жобаның қаржы-экономикалық, құқықтық және өзге де мәністеріне сараптама (бұдан әрі - сараптама) жүргізіледі. Сараптама жобаның сапасын, дайындау негізділігін, уақытылылығын бағалау, ол қабылданған жағдайда орын алуы ықтимал теріс салдарларын анықтау үшін, сондай-ақ жобаның нормативтік құқықтық және жоғары деңгейдегі өзге де актілерге, Үкіметтің нормативтік құқықтық қаулыларына сәйкес келу мәнінде жүргізіледі. Жобалардың сараптамасы Премьер-Министр, оның орынбасарлары және Кеңсе Басшысы үшін олардың тиісті жобаларға қол қою немесе оларды келісу туралы шешім қабылдауы кезінде ақпараттық-ұсынымдық сипатта болады.

Жоба бойынша қорытындыны жобаның өтуіне жауапты Кеңсенің құрылымдық бөлімшесі дайындайды. Қорытынды жобаны қабылдаудың қажеттілігі, жобаны келісуге жіберген Үкімет мүшелерінің және мемлекеттік органдардың қарсылықтары (олар болған жағдайда), жобаның Кеңседегі сараптамасының нәтижелері, жобаны пысықтау, оның ішінде жұмыс тәртібімен пысықтау (мұндай факті болған кезде) туралы ақпаратты, жоба бойынша қажетті өзге де ақпаратты қамтуға, сондай-ақ жобаны қабылдау немесе одан бас тарту туралы ұсынысты қамтуға тиіс;"

екінші абзац "іс қағаздарын жүргізу" деген сөздерден кейін "және осы Регламент" деген сөздермен толықтырылсын;

төртінші абзац мынадай редакцияда жазылсын:

"Жоба Кеңседе тіркелгеннен кейін сараптама жүргізіледі және Кеңсенің шығарушы бөлімшесінің қорытындысы дайындалады, содан кейін жобаның мемлекеттік тілдегі және орыс тіліндегі мәтіндерінің бірдейлігі тексеріледі. Заң жобаларынан басқа, жобаны сараптамадан өткізу және ол бойынша қорытындыны дайындау мерзімі жоба бойынша осы Регламенттің 23-1-тармағында белгіленген дауыс беру мерзімдері аяқталған күннен бастап 5 жұмыс күнінен аспауға тиіс.";

жетінші абзацтың 3) тармақшасы мынадай редакцияда жазылсын:

"3) жобаны әзірлеуші (өкілетті адам) Кеңсенің құрылымдық бөлімшелерінің ескертпелерімен жазбаша келісілген кезде жұмыс бабында Кеңсе Басшысының немесе тиісті мәселелерді қадағалайтын оның орынбасарларының келісімімен

қайтарылуы мүмкін, бұл туралы жобаның келісу парағында белгі жасалады және жобаның өту мерзімдерін бақылауды жүзеге асыратын Кеңсенің бөлімшесіне хабарланады. Жұмыс бабында пысықтау мерзімі 7 жұмыс күнінен аспауға тиіс.";

мынадай мазмұндағы абзацпен толықтырылсын:

"Жобаға сараптама жүргізілгеннен, қорытынды дайындалғаннан және оны пысықтағаннан кейін (мұндай факті болған кезде) Кеңседе оның түпкілікті нұсқасы, қорғалған елтаңбалық бланкіге белгіленген тәртіппен көшіріледі және оған тікелей орындаушы мен жобаның өтуіне жауапты Кеңсенің құрылымдық бөлімшесінің басшысы не оны алмастырушы адам, жобаның сараптамасын жүргізген Кеңсенің құрылымдық бөлімшелерінің басшылары, сондай-ақ жобаның мемлекеттік тілдегі және орыс тіліндегі мәтіндерінің бірдейлігін әрі олардың мемлекеттік тілдегі және орыс тіліндегі ережелеріне сәйкестігін тексеруді жүзеге асыратын Кеңсенің қызметкерлері виза қояды.";

2 7 - т а р м а қ т а :

екінші абзац мынадай редакцияда жазылсын:

"Жоба Кеңседе сараптама - жүргізілген және оның қорытындысы дайындалған, сондай-ақ Премьер-Министрдің орынбасарларында келісілгеннен кейін Кеңсе Басшысы оған виза қояды және ол бойынша шешім қабылдау үшін Премьер-Министрге не оны алмастыратын адамға баяндайды.";

мынадай мазмұндағы үшінші абзацпен толықтырылсын:

Үкімет қаулысының жобасына Үкімет мүшелері көпшілігінің ескертпелері және/немесе қарсылықтары болған жағдайда Премьер-Министр, оның орынбасарлары, Кеңсе Басшысы Үкімет мүшелерінің көпшілігімен келісілген, шешім әзірлеу үшін кеңес шақыруы мүмкін. Үкімет қаулысының жобасы бойынша Үкімет мүшелері көпшілігінің көзқарасын келісуге қол жетпеген кезде қаулы қабылданбайды, бұл кеңестің хаттамасында көрсетілуге тиіс.";

30-тармақтың екінші абзацы "жүргізудің" деген сөзден кейін "және қорытынды дайындаудың" деген сөздермен толықтырылсын;

32-тармақ "кері қайтарып алынуы" деген сөздер "дереу қайтарып алынуы" деген сөздермен ауыстырылсын;

3 5 - т а р м а қ т а :

"Әділет министрлігі" деген сөздер алынып тасталып, "үш күн мерзім ішінде," деген сөздер "Кеңсе үш жұмыс күні мерзімінен кешіктірмей" деген сөздермен ауыстырылсын;

"ұсыныс енгізеді" деген сөздер "ұсыныс дайындайды" деген сөздермен ауыстырылсын;

6-тараудың тақырыбы мынадай редакцияда жазылсын:

"6. Үкіметтің заң шығару қызметі";

36-тармақтың бірінші абзацы "органдардың" деген сөзден кейін "және

Қазақстан Республикасының Үкіметі жанындағы Заң жобалау қызметінің мәселелері жөніндегі ведомствоаралық комиссияның" деген сөздермен толықтырылсын;

мынадай мазмұндағы 36-1-тармақпен толықтырылсын:

"36-1. Үкіметтің заң жобалау жұмыстарының ағымдағы және перспективалық жоспарларын қалыптастыру Мемлекет басшысының тапсырмалары, Үкіметтің Іс-қимыл бағдарламасы, мемлекеттік бағдарламалар және Үкімет бекітетін бағдарламалар, мемлекеттік бағдарламаларды іске асыру жөніндегі іс-шаралар ескеріле отырып, жүзеге асырылады.";

37-тармақ мынадай мазмұндағы абзацтармен толықтырылсын:

"Заң жобасын ұсыну мерзімдерін ауыстыру, сондай-ақ ағымдағы жылдың Жоспарынан алып тастау немесе толықтыру туралы мәселе алдын ала мемлекеттік органның - заң жобасын әзірлеушінің өтініші бойынша Заң жобалау қызметінің мәселелері жөніндегі ведомствоаралық комиссияның отырысында қаралады. Мемлекеттік орган Үкіметтің заң жобалау жұмыстарының жоспарына өзгерістер мен толықтырулар енгізу туралы Үкімет қаулысының жобасын Үкіметке енгізген кезде түсіндірме жазбада Ведомствоаралық комиссияның осы мәселе бойынша негіздемесі мен шешімі міндетті түрде көрсетіледі.

Ведомствоаралық комиссиямен заң жобасын қамтамасыз ету бөлігінде мемлекеттік және өзге де бағдарламалардың, тұжырымдамалардың, Үкіметтің іс-шаралары жобаларының нормалары келісіледі.

Мемлекеттік және өзге де бағдарламаларға қоғамдық қатынастарды заңмен реттеудің жаңа тетіктерін енгізу Үкіметтің заң жобалау жұмыстарының перспективалық жоспарына өзгерістер мен толықтырулар енгізумен қатар жүргізілуге тиіс.";

38-тармақтың үшінші абзацы мынадай редакцияда жазылсын:

"Кеңседе жобаларға сараптама жүргізу және олар бойынша қорытындылар дайындау мерзімі жоба бойынша дауыс берудің осы Регламенттің 23-1-тармағымен белгіленген мерзімдері аяқталған күннен бастап 10 жұмыс күнінен аспауға тиіс" ;

39 - тармақта :

мынадай мазмұндағы екінші абзацпен толықтырылсын:

"Үкіметке жіберілген, депутаттар бастамашылық жасаған заң актілерінің жобалары Қазақстан Республикасының Үкіметі жанындағы Заң жобалау қызметінің мәселелері жөніндегі ведомствоаралық комиссияның отырысында қаралуға тиіс. Үкіметке заң жобасы түскен күннен бастап бір ай мерзімде Комиссия депутаттардың Үкіметке енгізген заң жобасына оң не өзге баға беру жөнінде ұсыныстар әзірлейді.";

үшінші абзац мынадай редакцияда жазылсын:

"Қорытынды Қазақстан Республикасы Үкіметінің тиісті қаулысын қабылдаумен немесе оның мәжілісінің хаттамалық шешімімен, сондай-ақ осы Регламенттің 20 және 21-тармақтарында немесе 3-бөлімінде белгіленген тәртіппен Үкіметтің ұжымдық, заңды пікірін білдіретін өзге құжатпен ресімделеді." ;

мынадай мазмұндағы абзацпен толықтырылсын:

"Қорытындының жобасын бір ай мерзімде не Премьер-Министрдің тапсырмасында белгіленген мерзімдерде құзыретіне заң жобасымен реттелетін қатынастар кіретін мемлекеттік орган дайындайды және міндетті түрде Әділет, Қаржы, Экономика және сауда министрліктерімен келісіледі.";

мынадай мазмұндағы 39-1-тармақпен толықтырылсын:

"39-1. Үкіметтің заң жобалау жұмыстарының перспективалық және ағымдағы жоспарларының орындалуын жалпы бақылауды Әділет министрлігі жүзеге асырады .

Әділет министрлігі ай сайын Үкіметтің заң жобалау қызметінің барысын қорытады және есептіден кейінгі айдың 1-күні Үкімет пен Парламентте заң жобаларының өтуі туралы ақпаратты, сондай-ақ заң жобалау жұмыстары жоспарының орындалу барысы туралы есепті береді.

Жоспарланған заң жобаларын әзірлеу мерзімдері бұзылған жағдайда, Әділет министрлігі ақпаратының негізінде Кеңсе заң жобаларын әзірлеу мерзімдерінің бұзылуына кінәлі лауазымды тұлғаларды жауапкершілікке тарту туралы ұсыныс енгізеді .

Ведомствоаралық комиссия заң жобаларының Қазақстан Республикасының Үкіметі мен Парламентінде өту процесінде мемлекеттік органдар арасындағы қайшылықтарды реттеу жөнінде ұсыныстар әзірлейді.

Ведомствоаралық комиссия өз отырысында жобалардың сараптамасын уақытылы орындау мақсатында дайындалған заң жобаларын Үкіметке заң жобаларын әзірлеушілердің тапсыруын ағымдағы мерзімдерін белгілейді.";

40-тармақ мынадай мазмұндағы абзацпен толықтырылсын:

"Министрліктер мен агенттіктердің ескертпелері бар заң жобалары Премьер-Министрдің осы мәселелерді қадағалайтын орынбасарындағы кеңесте міндетті түрде қаралады, оның нәтижелері хаттамамен ресімделеді. Талқыланатын мәселе бойынша келісімге қол жетпеген кезде Премьер-Министрдің орынбасары заң жобасы бойынша түпкілікті шешім қабылдау үшін бұл туралы Премьер-Министрге не оны алмастыратын тұлғаға хабарлайды . " ;

40-1-тармақ мынадай мазмұндағы абзацтармен толықтырылсын:

"Үкімет бастамашылық жасаған заң жобасына Парламенттің Мәжілісі мен Сенаты енгізген тұжырымдамалық өзгерістер мен толықтыруларды әзірлеуші

салыстырмалы кесте нысанында қысқаша түйінімен Үкіметке хабарлайды, оларды Премьер-Министрдің Кеңесі осы өзгерістер мен толықтырулар бойынша Үкімет бірыңғай көзқарасты айқындау үшін Қаржы және Әділет министрліктеріне, сондай-ақ мүдделі мемлекеттік органдарға жібереді.

Үкімет шешімінің Парламентте өткізілуін бақылауды Үкіметтің Парламенттегі Өкілдігі (бұдан әрі - Өкілдік) жүзеге асырады.

Өкілдік Үкімет енгізген заң жобаларының өтуі, Парламент қарайтын және Үкіметтің қызметіне қатысы бар басқа да мәселелер туралы Премьер-Министрге, оның орынбасарларына және Кеңсенің Басшысына тұрақты түрде хабарлап отырады. " ;

40-2-тармақтың бірінші абзацында "үш күн мерзімде" деген сөздердің алдынан "заң қабылданған күннен бастап" деген сөздермен толықтырылсын;

40-3-тармақтағы "заң актісі күшіне енген (қолдануға енгізілген) күннен бастап бес күн мерзімде Үкіметке", "тиісті шешімнің жобасын енгізеді" деген сөздер тиісінше "заң актісі күшіне енген (қолдануға енгізілген) күннен бастап бір ай мерзімде Үкіметке", "белгіленген тәртіппен келісілген қаулының жобасын енгізеді" деген сөздермен ауыстырылсын;

мынадай мазмұндағы 40-4 және 40-5-тармақтармен толықтырылсын:

"40-4. Парламенттен заң жобасын Үкіметтің қайтарып алуы осы ұсыныс Үкіметтің отырысында қаралғаннан кейін жүзеге асырылады және жобасын Үкіметке заң жобасын әзірлеуші енгізетін Үкіметтің қаулысымен ресімделеді. Заң жобасын қайтарып алу кезінде Заң жобалау қызметі мәселелері жөніндегі ведомствоаралық комиссияның пікірі ескеріледі.

40-5. Бұған дейін заң актісімен реттелген қатынастар жөніндегі заң жобаларын әзірлеу туралы ұсыныстар алдын ала Заң жобалау қызметінің мәселелері жөніндегі ведомствоаралық комиссияның отырысында, одан кейін Үкіметтің мәжілісінде қаралады. " ;

мынадай мазмұндағы 6-1-бөліммен және 40-6, 40-7, 40-8-тармақтармен толықтырылсын :

"6-1. Прокурорлық ден қою актілерін қарау кезінде орталық атқарушы органдардың өзара іс-қимыл жасау тәртібі

40-6. Премьер-Министрдің немесе оның орынбасарларының тапсырмасы бойынша Үкіметтің атына жіберілген прокурорлық ден қою актілерін қарауды прокурорлық ден қою актісінің мәні болған мәселелер құзыретін енетін мемлекеттік орган жүзеге асырады. Әділет министрлігі тиісті мемлекеттік органға құқықтық және консультациялық көмек көрсетеді.

40-7. Прокурорлық ден қою актісін қарау тапсырылған мемлекеттік орган Бас Прокуратураға Үкімет жауабының жобасын, қажет болған жағдайда - Үкімет шешімдерінің жобаларын дайындайды және прокурорлық ден қою актісінен

туындайтын өзге де шаралар қабылдайды.

Бас Прокуратураға Үкімет жауабының жобасы міндетті түрде Қазақстан Республикасының Әділет министрлігімен, сондай-ақ прокурорлық ден қою актісін қарау туралы тапсырмада көрсетілген өзге де мемлекеттік органдармен келісіледі.

Үкімет жауабының жобасын келісу тиісті мемлекеттік орган басшысының виза қою не ескертпелер мен ұсыныстардың жоқтығы туралы хат жіберу арқылы жүзеге асырылады.

40-8. Прокурорлық ден қою актілеріне Үкімет жауаптарының келісілген жобалары Қазақстан Республикасы Президентінің "Қазақстан Республикасының Прокуратурасы туралы" 1995 жылғы 21 желтоқсандағы N 2709 заң күші бар Жарлығымен белгіленген актілерге жауап беру мерзімдері аяқталғанға дейін 3 күннен кешіктірілмей Кеңсеге ұсынылады.";

8-бөлімнің тақырыбындағы және 44-тармақтағы "Кеңсе Басшысының" деген сөздер "Президент Әкімшілігі мен Кеңсе Басшыларымен" деген сөздермен ауыстырылсын;

45-тармақ мынадай редакцияда жазылсын:

"45. Мынадай құжаттар (бұдан әрі - бақылаудағы құжаттар) бақылауға алынады:

1) Үкіметке немесе оның Басшылығына тапсырмалар берілген Қазақстан Республикасы Президентінің актілері;

2) Үкіметтің қаулылары мен хаттамалық шешімдері, Премьер-Министрдің өкімдері;

3) орындау мерзімдері көрсетілген, соның ішінде "шұғыл" деген белгісі немесе бақылауға алынғаны туралы нұсқауы не "баяндалсын", "ұсыныстар енгізілсін" және т.б. белгілері бар Қазақстан Республикасы Президентінің, Премьер-Министрдің, оның орынбасарларының, Кеңсе Басшысының не оны алмастыратын адамның тапсырмалары;

4) Парламент депутаттарының сұрау салулары, депутаттар бастамашылық жасаған заң жобаларына Үкіметтің қорытындысын беруге өтініш жасалғаны жөніндегі Парламент Палаталарының арнау хаттары.";

46-тармақтағы "Республика Президенті актілерінің, Үкіметі шешімдерінің, Премьер-Министрі өкімдерінің" деген сөздер "Бақылаудағы құжаттардың" деген сөздермен ауыстырылсын;

50-тармақ мынадай редакцияда жазылсын:

"50. Бақылаудағы құжатты оған қол қойған не орындалуын бақылауды талап етуге тапсырма берген лауазымды адам бақылаудан алады.";

мынадай мазмұндағы 52-1-тармақпен толықтырылсын:

"52-1. Бақылаудағы құжаттардың орындалуына жауапты мемлекеттік

о р г а н д а р

К е ң с е г е :

1) бақылаудағы құжаттардың орындалуының белгіленген мерзімі аяқталғаннан кейін бақылаудағы әрбір құжаттың не оның нақты тармақтарының орындалуы туралы есепті (ақпаратты);

2) есепті тоқсаннан кейінгі айдың 5-күнінен орындаушылық тәртібі және бақылаудағы құжаттарды орындаудың мерзімдерін бұзуға кінәлі нақты лауазымды адамдарды жауапқа тарту жөнінде қабылданған шаралар туралы а қ п а р а т т ы ұ с ы н а д ы . " ;

53-тармақ мынадай редакцияда жазылсын:

"53. Тапсырмаларды (соның ішінде Президенттің және Президент Әкімшілігі Басшылығының директивалық құжаттарында, Үкімет пен Премьер-Министрдің актілерінде қамтылған) бақылаудан шығару не орындау мерзімін өзгерту туралы шешім қабылдау тиісінше Қазақстан Республикасы Президентінің, Президент Әкімшілігі Басшысының, Премьер-Министрдің, оның орынбасарларының, Кеңсе Басшысының қарары бойынша жүзеге асырылады.

Орындалуына жауапты мемлекеттік органдар орындаудың белгіленген мерзімі аяқталғаннан кейін, Кеңсеге жіберетін бақылаудағы тапсырмалардың орындалуы туралы есептерде (ақпаратта), міндетті түрде:

не, егер тапсырманы ақиқатты себептер бойынша белгіленген мерзімде орындау мүмкін болмаса, жаңадан нақты мерзім көрсетіп, орындау мерзімін ұ з а р т у т у р а л ы ө т і н і ш ;

не, егер тапсырма толық көлемде орындалса, бақылаудан алу туралы өтініш;

не, егер тиісті актіде немесе тапсырмада кезеңдік ақпарат ұсыну көзделсе, құжаттың ақпарат ретінде енгізілетіні туралы жазба қамтылуға тиіс.";

56-тармақ мынадай редакцияда жазылсын:

"56. Премьер-Министрдің, оның орынбасарларының және Кеңсе Басшысының тапсырмалары бойынша Үкімет қаулыларының және Премьер-Министр өкімдерінің жобаларын осы Регламентте белгіленген тәртіппен енгізу, мұндай тапсырмаларды жазбаша өтініш жасамай-ақ, бақылаудан алуға негіз болып табылады."

2. Осы қаулы қол қойылған күнінен бастап күшіне енеді.

Қазақстан Республикасының

Премьер-Министрі